

Xpresa bo mes

noticia@awemainta.com

Tur comunicado o remetido cu ser manda pa AWEMainta mester inclui number, fam y number di telefon di e remitente.
AWEMainta ta keda cu e derecho reduci of edita esakinan pa publicacion.

E pakico mi ta kere cu mester legalisa marihuana

Pa: Darcy Soemers.

MI kier comparti cu boso nan presente awe, e cuminsamento di Aruba Legalize Recreational Medical Cannabis riba Face Book.

Na luna di juni 2011 mi a haya bishita di polis, pa motibo cu mi tabatin mata di cannabis na mi cas. Mi a prueba cu ta pa uso propio, tambe cu no tin arma, ni otro substancia den mi cas, y tog detencion a tuma lugar. Mi ta compronde y respeta Polis, ta orden ta ser duna, y nan mester cumpli, pasobra ta nan trabou.

Di acuerdo mi no a bay cu e situacion, cu mi a dicidi di skirbi un articulo: "Marihuana no ta taboo", cu a ser publica den Diario riba 15 di juli 2011. Hayando hopi reaccion positivo, via e-mail, a dunami mas gana pa sigui.

Na luna di december 2011, mi a traha un di dos articulo, Marihuana no ta taboo part 2, pero sin sa e motibo, e no a ser publica.

Asercando mas personanan cu a ser deteni pa motibo di tin can-

nabis den nan poder, mi a dicidi di haci algo a cambio.

Buscando informacion pa trece cambio y tumando e consehonan, Aruba Legalize Medical Cannabis a bira parti di Face Book desde 13 di januari 2012, como un grupo di Activista. Mi a manda e articulonan cu mi a scirbi'e (marihuana no ta taboo part 1&2) via Face Book, pa diferente Minister, di e diferente partido politico.

Mi intencion cu Aruba Legalize Medical Cannabis riba Face Book ta pa wak con e personanan ta reaccionando cu e tema, y tambe pa comparti informacion cu e friend's nan. Mi ta hopi contento di a mira un reaccion asina positivo cu awe Aruba Legalize Cannabis, ta conta cu casi 2100 friend's, sin conta tur esnan cu pa nan privacidad, ta sostene e causa aki discretamente.

Ora mi a realisa cu por bin cambio dor di e union, mi a aserxa mas persona cu mi sa cu tin sabiduria cu e tema di cannabis.

Asina Aruba Legalize Cannabis a bira activo trahando boluntariamente y asercando diferente persona, pa hacie e accion aki uno exitoso.

E meta tambe ta pa UNI tur e pro-cannabis nan y asina pa nan bin dilanti cu como local nos tur kier ser respeta cu nos desicion pa uza cannabis responsabel. Comparando e di e manera aki: NO ta tur persona cu ta usa alcohol, ta forma un problema pa sociedad, comparando nan cu esnan cu ta haya problema cu ley, dor cu nan ta trece bida di otro den peliger ora nan ta onder invloed di alcohol.

E punto aki ta conta tambe pa personanan cu ta usa cannabis, pasobra mayoria ta combina e uso cu otro substancia. Pero n'e personanan cu ta usa cannabis SO, nan NO ta forma un peliger pa sociedad.

Mi ta di opinion cu mester bin un ley cu ta proteha nos localnan cu ta usa cannabis SO, consciente y na un manera responsabel. (cu responsabel mi kier men: Ora cu bo ta usa

cannabis so, sin combinacion cu alcohol of hard drug's). Un ehempel: Pa ora cu polis mester presenta na un cas, y constata cu e persona tin cannabis den su poder, y despues di un search, nan no a encontra nada otro ilegal, cu nan merece un proteccion di parti di ley pa no ser deteni como un criminal.

Esey ta un punto importante cu Aruba Legalize Cannabis ta enfoca riba dje, tolerancia pa uso propio di cannabis. Na Hulanda a bin hopi maatregel nobo, pero nan no ta prohibiendo e p'e localnan.

Manera un adulto, mi ta spera di boso parti cu tur loke a ser treci dilanti awe, bin den

prensa manera cu a wordo menciona. Mi tin hopi respet pa berdad, y ta un punto hopi fuerte pa conscientisa e pueblo cu cannabis NO ta mescos cu otro substancianan. E punto nan cu mi a trece padilanti, no tin nada contra ningun partido politico of Korps Politie.

Nos no merece ser trata como criminal, si usando cannabis no ta un peliger ni pa e usado, ni pa bisinja, famia of yiunan. Ley tey pa proteha nos di esnan cu ta trece bida di otro den peliger.

